

रुबरिक, यँ व कुतः पिकाकया मंकाः पिथना

# घालं बुइकूगु लँ जि, जिगु पलाः

डा. आनन्द जोशी



रुबरिक

यँ, नेपालमण्डल,  
नेपाः



कुतः पिकाक

ख्वप, नेपालमण्डल,  
नेपाः

घालं बुइकूगु लँय जि, जिगु पलाः/३



१९३६.१३.२०५

# घालं बुइकूगु लँय् जि, जिगु पला:

हाइजिन : डा. आनन्द जोशी  
विधा : हाइकु  
पिकाक : ऊवरिक, यँ व कुतः पिकाक, तिबुक्छँ-८, ख्वप, नेपालमण्डल, नेपाः  
न्हापां : स्वसः (३००)गू  
: ने.सं. १९३६ चौलाथ्व १० सनिवाः  
: बु.सं. २५५९/ वि.सं. २०७३/ सन् २०१६  
मू : सच्छि (१००१-) तका

ISBN : 978-9937-8701- -

---

**GHALAN BUIKUGU LANY JI, JIGU PALA**

**By Dr. Ananda Joshi (NEPAL BHASHA) 2016**

---

थाकू : न्हू-विद्या प्रिण्टिङ्ग प्रेस, सुकुध्वाखा, ख्वप, नेपालमण्डल, नेपाः ।

डा. आनन्द जोशी/४

## लुपाः

थौं स्वयाः निदं न्ह्यः ने.सं. ११३४दँय् जिमिगु मंकाः पिथनाकथं आधुनिक कवि व हाइजिन भाजु डा. आनन्द जोशीजुया स्वंगूगु हाइकु मुना 'सर्गः थः हे विस्तृत' पिथनागु खः । थुगुसि हाकनं वय्कःया मेगु हाइकु मुना सफू 'घालं बुइकूगु लँय् जि, जिगु पलाः' पिथनाच्चना । थ्व हाइकु मुनाय् दुने निथीया हाइकु दुथ्यानाच्चंगु दु । छथी विभिन्न विषय क्षेत्र नाप सम्बन्धित हाइकु खःसा मेगु नाकाबन्दी हाइकु खः । विभिन्न विषय क्षेत्र नाप सम्बन्धित हाइकु न्ह्यप्य(७४)पु व नाकाबन्दी हाइकु नीछ(२१)पु यानाः गुइन्या(९५)पु हाइकु दुथ्याना । थुगुसि हे वय्कःया 'भुखाय् ११३५' नागु (मंकाः हाइकु मुना) पिदंगु लुमंकाच्चना । गुकि वय्कःया भुखाय् सम्बन्धि नीगु(२९)पु हाइकु दुथ्याः ।

परम्परागत हाइकु धयागु प्रकृतियात कयाः च्वइगु खःसा थौं मनूत व हे प्रकृति जक स्वया लुधने फइगु अवस्था मखयेधुंकल । उकिं थम्हं खंगु, थम्हं भोगय् यानागु, थम्हं अनुभव यानागु खँ हाइकुइ प्वंकाः उकिं व्वमिया चेतना थनाः न्ह्यपुइ तरंग हया बिइमाः धयागु धारणा ज्वनाः हाइजिन डा. आनन्द जोशीजु न्ह्यज्याना च्वनादिइगु दु । वय्कलं हाइकुयात हाइकु जक धया मदिसें 'थौंया हाइकु' धकाः धयादिइगु दु । गुकिइ थौंया इलय् म्वानाच्चोपिं मनूतय्सं विभिन्न पःखा, पंगः, पका, हन्ता इत्यादि भोगय् याना च्वनेमाःगु दु । गुकियात चिइका मनूत न्ह्यज्याना वनेमाः । व लँ क्यनेगु ज्या हाइकु पाखे याना च्वनादिइगु दु ।

गथे आधुनिक कविताय् डा. आनन्द जोशीजुं विस्कं कथं थःत थना न्ह्यज्याना च्वनादीगु दु उकथं हे हाइकुया ख्यलय् नं अज्याःगु विस्कंकथं थःत न्ह्यव्वया न्ह्यज्यानाच्चना दीगु दु । गुकिया अनुभव व अनुभूति भीसं वय्कःया

प्यंगू हाइकु मुना सफू 'खँग्वः सीमाहीन : सीमाहीन जि', 'न्हूगु दिशाय् जि :  
चेतनाया लबु', 'सर्गः थः हे विस्तृत', 'तःभुखाय् ११३५' व 'घालं बुइकूगु लँय्  
जि, जिगु पलाः' यायेफु । हाइकुइ वय्कलं मेमेपिसं स्वयाः बिस्कं प्रतीक,  
बिम्ब छ्यलाः बिस्कंगु सवाः वयेक हाइकु ज्यानादीगु दु ।

आधुनिक कवि व हाइजिन भाजु डा. आनन्द जोशीजुं थुगुसि नं  
वय्कःया थुगु 'घालं बुइकूगु लँय् जि, जिगु पलाः'या मंकाः पिकाक जुयेगु  
ह्वःताः बियादीगुलिं रुबरिक व कुतः पिकाक तसकं लय्ताः । वय्कःयात  
आपालं आपाः सुभाय् द्यछानाच्चना । हाकनं मेमेगु सफूया पिकाक जुयेगु  
ह्वःताः बियादी धयागु भलसा कयाच्चना । मेमेगु सफू थें थुगु सफू नं  
ब्वमिपिसं ययेका दी । जय नेपालभाषा !

**बिमल ताम्राकार,**  
तिबुक्छें-८, ख्वप,  
नेपालमण्डल,  
नेपाः ।

# हाइजिनया नुगःखँ

हाइक्या विकास दुत्तर गतिं छगू देसं मेगु देसय् न्यनाः वनाः थौं थ्व धाः मानवीय जीवनया छगू महत्वपूर्ण अंशया रुपय् स्थापित जुइधुंकूगु दु । देय्या प्राकृतिक श्रोत नापनापं भौतिक संरचना, सांस्कृतिक व सामाजिक पक्ष व जीवनया कटु यथार्थयात एकिकृत याना परम्परागत मू, मान्यता तथा आदर्शयात ई अनुरूप हिइकाः न्हूगु आयाम : लकस, जीवन व विकासयात चिन्तन मननं पिहां वःगु मूतियात अभिव्यक्त याना वनाच्वंगु थ्व धाःया यात्रा निश्चय नं च्वछायेबह जू ।

विश्वय् विद्यमान विभिन्न श्रोतय् निरन्तर तरिकां परिवर्तन जुया च्वनिगु छगू स्वभाविक प्रकृया खः । गुबले जलवायुइ हिउपाः वःगु दुसा, गुबले भू बनावटय् हिउपाः वया विश्वया पर्यावरणीय सन्तुलन नं दावाडोल जुयाः भीगु विश्वास, आस्था व म्वायेगु पद्धतियात बांमलाक प्रभावित यानाः वनाच्वंगु दु । थ्व स्थितिं प्याहां वयेत, सुरक्षित जुइत, मुक्त जुइत न्ह्याक्व कुतः याःसां थःगु हे असमर्थतां, अज्ञानतां, लापवाहिं भीपिं भन भन त्रासदिया धापय् दुनाः वनाच्वन । थथे प्राकृतिक प्रकोपं इलय् ब्यलय् भीत आक्रान्त यानाच्वंगु दु, थ्व नापनापं मनू दुने म्वानाच्वंगु पशुत्वं हानं हानं छयं ल्हवनाः थःगु पह क्यनाच्वंगु विगत इलय् विघटित घटनां, मानवीय क्रियाकलापं बुगु समस्यां क्यनाच्वंगु दु, उदाहरणया रुपय् थ्व हे दैय् वंगु तःभुखाय्, ग्वःफय् व जूगु नाकाबन्दीयात दसिया रुपय् कायेफु । । थ्वया प्रतिकूल प्रभाव भीगु सामाजिक परिवेशय्, सांस्कृतिक रुपरेखाय्, आर्थिक गतिविधिइ, व्यवस्थाया स्वरूपय् व पद्धतिइ लानावंगु दु । थ्व दक्व क्रियाकलापं धाः यानाब्यूगु दु भीगु आस्थाय्, विश्वासय्, दृढताय्, संकल्पय् । धाः स्याइगु स्वभाविक खः, गुलिं पाके जुयाः सह याये थाकुइफु, गुलिं संक्रामक जुयाः सरय् जुयाः वनेफु । धाः खः थुकियात निराकरणया लँ मालेगु आवश्यक दु ।

थ्व हे घालं जितः नं स्यागु दु, घालं हे विभिन्न इलय् जि दुने दनावःगु बिचाः, भाव, मनस्थिति, तर्कना, जिं यानागु अनुभव, महसुस, आत्मसमर्पण, व जि दुने विघटित घात प्रतिघात, विरोध आदिया विम्बमय अनुभूतियात मूर्तरूप बिइत जिं कुतः याना थ्व सफुतिइ । थ्व घाःया उत्पत्ति, स्वरूप, विशेषता, व्याप्ति व विस्तारयात जिं विश्लेषण, चिन्तन मनन याना विकल्पया लँ लुइकेत नं स्वया । सम्भावित घाःपाखे इलय् हे सुरक्षित जुइत, उत्पत्तिया प्रतिकूल प्रभाव कम यायेत, विस्तारया सीमा कय्कुनेत, व निराकरणया लँ लुइकेत, इलय् सतर्कता अपने याना वनेत व सजग जुया म्वायेत थ्व घालं जितः थनाः ब्यूगु दु । थ्व प्रकृयां जिदुने विकल्प व संरक्षणया लँ व सुरक्षित जुया म्वायेगु विश्वास, दृढता व संकल्प नं निर्माण जुयावंगु वास्तविकतायात थ्व हे सफूया हाइकुइ जिं अभिव्यक्त यायेत स्वयागु दु ।

जिं सिर्जना यानागु हाइकुयात सफूया रूप्य हयेत प्रेरित यानादिइपिं, विशेष याना डा. कुन्जनी, डा. रुवी, ई. रिक्की, डा. शिशिर व डा. मेरिनयात दुनुगानिसें सुभाय् दु । थ्व सफूया भाय् भिंकाः सफूया पुफ स्वयाः दीम्ह हाइजिन बिमल ताम्राकारयात व जिगु हाइकु मुनायात सफूया रूप्य पिकयाः जिगु अनुभूतियात न्थ्यःने ब्वयेत ग्वहालियागु संस्था रुवरिक व कुतः पिकाकयात नं यक्वं सुभाय् दु ।

## धलः

हाइकु

(क) विभिन्न विषय क्षेत्र नाप सम्बन्धित हाइकु

(ख) नाकावन्दी

परिशिष्टाङ्क

(क) विभिन्न पत्रिकाय् प्रकाशित व अप्रकाशित हाइकु (११३५-११३६)

(ख) डा. आनन्द जोशीया हाइकु सम्बन्धि साहित्यकारतय्गु धापू

(ग) डा. आनन्द जोशीया हाइकु सम्बन्धि धारणा





घालं बुडकूगु लँय् जि,  
**जिगु पला:**



# विभिन्न विषयक्षेत्र नाप सम्बन्धित हाइकु



१.

न्यां हे न्या नल

चुपिया धालय् पला:

मोक्ष ? ॐ शान्ति !

२.

बछलाया ई

च्वापुधी कुतुंवल

यात्री संकटय् ।

३.

प्रलयया न्हि

चच्छि न्हिछि वा वल

बुँ फिसः जुल ।



४.

खसु दुने लँ

अमूर्त लँय् जिन्दगी

लँ हे तन लँय् ।

५

न्हा बुल ल्हवतय्

न्हाथाय् नं म्वाय्फु जीव

यथार्थ सत्य ।



६.

गुँ चलः वन

सुनकोशीइ पःखाः

बाढी बस्तीइ ।

७.

वा वल न्हिछि

गालय् लः मुन, न्ह्यात

जाः खंचाया धाः ।

८.

स्वत्तुस्वल लँ

साइबरय् लँ माला

जि तन गुफाय् ।

९

चिकुगु ऋतु

नाइग्राफल नं च्वापु

ईया पन्जाय् ई ।



१०.

न्ह्यलं ग्रस्त छ

गं नेतातय्गु ल्हाःतय्

बुँख्याःचा छ, ई ।

११.

समुद्र शान्त

लबुं त्वतावःम्ह जि

अस्तित्व पीडा ।



१२.

सिति नखः थौं

पुखू द्यने छँ, मल

न्हनावन 'जि' ।



१३.

‘जिं’ यन्त्र दय्का

यन्त्रं ष्वःगु ब्यूहय् जि

सिर्जना हे गाः ।

१४.

निभाः त्वःगु न्हि

सूर्यमुखि स्वां क्वछु

अशक्त ऋतु ।

१५.

पःखाः थुन छं

पःखाः बुल छ दुने

बर्लिन पःखाः ।

१६.

जि/पःखाः/भीपिं

ब्यागः संकल्प व ज्या

ख्युंया पन्जाय् जः ।

१७.

घाजः मुना जिं

नेताया खल्लिइ मि

गाः स्वापूया लँय् ।

१८.

देय् परिक्षणय्

क्यान्सरं ग्रस्त म्ह : देय्

गनां वन हः ।

१९.

प्रदूषित फि

थाय् थासय् डिजेल

गतिया हत्या ।



२०.

कुँ आक्रान्त थाय्

विषं छटपट न्या

थम्हं खंगु गाः ।

२१.

लँया दने लँ

कांम्ह सलया दौड

त्रस्त थौं, कन्हे ।

२२.

लबुया पलाः

तरंग हे अस्तित्व

जीवन्त गति ।



२३.

ब्व मग्ज ध्यानय्

न्यां थु षडयन्त्र थौं

म्वाय्त ल्यःगु लँ ।

२४.

दिल्ला, वा वल

पौ ज्वल, क्वथा पुखू

हिती लः मवः ।

२५.

ल्वचं ग्रस्त दे

कुमिचां नल धलिं

दुनां च्वन छँ ।

२६.

चाकला-लँय् जि

हिउपाः चक्रव्यूहय्

अनाथ मचा ।

२७.

ब्वाँय् वःगु इवाला

शहरय् प्रदूषित

बलात्कृत लः ।



२८.

बेसुर धुन

वीणाया तार छ्वासु

त्वधूगु तुतां ।

२९.

जि ल्वय्या बुंगाः

वासलय् आश्रित म्ह

लँ हीन लँ जि ।

३०.

थौं कुरूप देय्

मलखं कयपुगु छँ

तुंघा दा:गु घा: ।

३१

ल्वहंहिति गं

बाथरुमय् बर्षात

थौंया ह्यगु मू ।



३२.

खुसि-सि दुन

चकन ल:, ख्य: जुल

प्रवाह तन ।

३३.

न्याथाय नं गाः गाः

थम्हं ज्वःगु जालय् थः

स्वत्तुस्वः सुका ।

३४.

मि नल बस्ती

पुख्, तुं, हिति सुख्खा

कालखण्ड ई ।



३५.

पःखाः भीगु लैय्

सुरक्षा बः नं पंगः

जिं थुना पःखाः ।

३६.

इलं नःमह जि

जीर्ण जूगु म्ह : सीमा

प्रकृति वोध ।

३७.

वा, फय् वल

फिया मूर्ति चुं दल

शाश्वत सत्य ।



३८.

जिं इयाः चायका

धू, कुँ, सः दुहां वल

त्रस्त लागा, जि ।



३९.

निकास बन्द

बुद्धि कैद साःगालय्  
ध्वगित गति ।



४०.

बन विनाश

खोज विकल्प लँया  
लँ लुइके जिं ।

४१.

‘जि’ व्यूह दुने

बलाकृत ‘जि’ : न्ह्यसः  
जिं चाय्का ताःचा ।

४२.

छ न्हाय्क बिल

जिं 'जि' मखं न्हाय्कनय्

जिं ल्यय् बिस्कं लँ ।

४३.

थौं जि सञ्जालय्

चक्रव्यूहल्य तुति

लः भमलय् हः ।



४४.

धुलं ग्रस्त लँ

त्वचं आक्रान्त मिखा

ख्युं गुफाय् यात्रा ।

४५.

अनन्त यात्रा

गामं शहरय् दौड

जि गनं मदु ।



४६.

भीडय् जि, यात्राय्

पुचलय् नं याकः जि

थौया स्वपीडा ।

४७.

श्रोतया ह्रास

बुँ, वन, गुँ नं बाभः

लँ दनि म्वाय्त ।

४८.

पलाः न्ह्यःने ल्हवः

मनुखं थंगु पःखाः

स्वार्थ-जालय् भी ।

४९.

जः व्याप्त सर्गः

ख्युं दुने कैद पलाः

विडम्बनाय् जि ।



५०.

भीसं माला ख्यः

बँ दक्व कित्ता कात

कय्कुन बिचाः ।

५१.

यन्त्रय् 'जि' यन्त्र

जीवन : मोबाइल

सन्जालय् न्ह्यपु ।

५२.

फोहरया गुँ

अहंया पिरामिड

जगहीन छँ ।



५३.

थौं शनिवार

गफ गफय् ई फुत

न्ह्यसः भीगु मू ।

५४.

छं पन खुसि

क्वय्या बुँ, ख्यः नं बाभः

लँया खोजय् जि ।

५५.

लः सूगु बुँगाः

बुद्धिहीन गाः : न्ह्यपु

शून्य हिउपाः ।



५६.

छं दय्कल लँ

निकासहीन साःगाः

आस्था ध्वगित ।

५७.

पासा मदु थौं

ध्यबाया स्वापू पासा

थौंया विकृति ।

५८.

लः प्रदुषित

खुसि हिल भ्यात्नालय्

संकटय् जीव ।



५९.

फवगिंया घाः-सः

घाः-सः ला तःभुखाय्

चुंदन पःखाः ।

६०.

चिकुला, सुथ

शीतं अशक्त हःत

सन्त्रस्त हः, ई ।

६१.

तज्यात न्हाय्कं

जि नं चुंदल कुचाय्

चुंदन 'जि', मू ।

६२.

वाढी लँय्, फलय्

हा विनाया विकास

कथ्वी थाःगु क्वँय् ।





६३.

ख्युं धुकू : मिहगः

खिउं आक्रमण 'थौ'

स्वत्तुस्वल जि ।

६४.

बुँइ भूक्षय

चां प्रदूषित खुसि

ल्वय्या प्रकोप ।



६५.

स्वां महव स्वांमाय्

स्वां-कचा फूलदानय्

चा माः म्वायेत ।

६६.

धुप्पवः दं बस्ती

बस्ती लिक्कः उद्योग

अभिषप्त लँ ।

६७.

हः सन फसं

मुक्तिया म्ये थ्वल फसय्

चेतनाया सः ।

६८.

दिल्लाय् वा मवः

हिउपाः जलवायु

खुसि बगर ।



६९.

चिकुलाया न्हि

च्वापुं त्वपुल छँ, ख्यः


थौं मि कैद खँय् ।

७०.

थौं नं जि याकः

खुसि थःगु हे लँय्

जि थःगु यात्राय् ।



७१.

सः थ्वल लँय्, बैय्

पःखाः सँबाट, दुन

आः, सितु म्वाइ ।

७२.

इलं बिल घा:

तःभुखाचं ध्वस्त गां

घालं क्यन लँ ।

७३.

हाइकु ला लः

न्ह्याइ लः, इनि थःत

जीवन्त श्रोत ।



७४.

मोडय् जि, पला:

खसुं अस्पष्ट दिशा

आः दय्के लँ जिं ।

# नाकाबन्दी हाइकु



१.

नाका, लँ बन्द

मनू पःखाः मनूया

अस्तित्व युद्ध।

२.

संत्रस्त देय्, जि

तधि-न्यां हे त्रस्त न्या

न्याय-छँ मौन ।

३.

नाकाबन्द ई

सम्भौता सिर्फ भवँतय्

द्वन्द्वया पुसा ।

४.

उर्जा संकट

देय्या विकास धापय्

ख्युंया लागाय् देय् ।

५.

चिकं निमित्त 'क्यू'

आश्रित मनोवृत्ति

शरणार्थी भी ।



६.

ल: अपांग थौं

विकास-रेल बन्द

धापय् भी, पला: ।



७.

चिकं अभाव

लैय् गाडी यथावत  
विरोधाभास ।

८.

ई फुत व्यर्थय्

ग्यासया क्यूलय् जि, ई  
छंगु ल्हाःतय् 'थौ' ।

९.

ग्यास अभाव

भुतू मच्याः, त्रस्त भी  
वन फडानी ।



१०.

बेसाः-भाः थिके

साहुया ल्हाःतय् धुकू  
संत्रस्त ई, जि ।

११.

लँय् छं पिल कँ

दन बर्लिन पःस्राः लँय्  
न्या कैद इयामं ।

१२.

लागा अशान्त

द्वन्द्व भी भी दथुइ  
पशुत्व न्हिल ।

१३.

मि च्याकल छं

मि पन जःलाखःलां  
मिं पुत जितः ।

१४.

पःखा सँबात

खँग्वल्य् जक स्वापू  
जाल्य् दे, भीपिं ।

१५.

जिं थःत माला

नाकाबन्द लँ दक्व  
जि तन ख्युंल्य् ।

१६.

ख्याः द्यने ख्याःपाः

खँ व ज्याया बीच्य् गाः  
संकट्य् भीपिं ।

१७.

लितहल ई

पशुत्वं आक्रमण  
अस्तव्यस्त दे ।

१८.

देसय् देय् माला

व्यवस्था माख्रापिखाय्

ख्याः तन द्वन्द्वय् ।

१९.

प्यखें गुँया देय्

आक्रान्त भी, जीवन

लँ तंपिं यात्री ।

२०.

लः सुनावन

योजनाय् हे कैद लँ

विकल्प लँय् जि ।

२१.

स्वां गन दिल्लाय्

स्वतन्त्र सिर्फ भ्रम

लँया खोजय् जि ।

## परिशिष्टांक

### विभिन्न पत्रिकायु प्रकाशित व अप्रकाशित हाइकु (११३५ - ११३६)

१. न्यां हे न्या नल, नःलि (दँ १० ल्याः ८ थ्यंल्याः ८६) पेज ३, ने.सं. ११३५
२. बछलाया ई, नःलि, (१०ः८ः८६) पेज ३, ने.सं. ११३५
३. प्रलयया न्हि, नःलि, (१०ः८ः८६) पेज ३, ने.सं. ११३५
४. खसुदुने लँ, नःलि, (१०ः८ः८६) पेज ३, ने.सं. ११३५
५. न्हा बुल ल्ववतय्
६. गुँ चलःवन, नःलि, (१०ः५ः८३) पेज ३, ने.सं. ११३५
७. वा वल न्हिछि, नःलि, (१०ः८ः८६) पेज ३, ने.सं. ११३५
८. स्वतुस्वल लँ
९. चिकुगु ऋतु
१०. न्त्यलंग्रस्त छ, नःलि, (१०ः८ः८६) पेज ३, ने.सं. ११३५
११. समद्र शान्त
१२. सिति नखः थौ, नःलि, (१०ः५ः८३) पेज ३, ने.सं. ११३५
१३. जिं' यन्त्र दय्का, नःलि, (१०ः५ः८३) पेज ३, ने.सं. ११३५
१४. निभाः त्वःगु न्हि, नःलि, (१०ः५ः८३) पेज ३, ने.सं. ११३५
१५. पःखाः थुन छँ, नःलि, (१०ः५ः८३) पेज ३, ने.सं. ११३५
- १६ जि/पःखाः/भ्रिपिं, नःलि, (१०ः८ः८६) पेज ३, ने.सं. ११३५
१७. घाजः मुना जिं, नःलि, (१०ः८ः८६) पेज ३, ने.सं. ११३५
१८. दे परिक्षणय्, थौकन्हे, (६५ः६ः२२३) पेज ५, ने.सं. ११३५
१९. प्रदूषित फि
२०. कुँ आक्रान्त थाय्, नःलि, (१०ः८ः८६) पेज ३, ने.सं. ११३५
२१. लँया द्यने लँ, नःलि, (१०ः५ः८३) पेज ३, ने.सं. ११३५
२२. लबुया पलाः
२३. ब्वः मग्न ध्यानय, थौकन्हे, (६५ः६ः२२३) पेज ५, ने.सं. ११३५
२४. दिल्ला, वा वल
२५. ल्वय्न्ग्रस्त दे, नःलि, (१०ः५ः८३) पेज ३, ने.सं. ११३५
२६. चाकला-लँय् जि, नःलि, (१०ः८ः८६) पेज ३, ने.सं. ११३५

२७. व्वाँय् वःगु भवाला, न्हू प्रेटिज नेपाः, (१२:९:१२३) पेज २४, ने.सं. ११३६
२८. बेसुर धुन, थौकन्हे, (६५:६:२२३) पेज ५, ने.सं. ११३५
२९. जि ल्वय्या बुंगाः, थौकन्हे, (६५:६:२२३) पेज ५, ने.सं. ११३५
३०. थौं कुरुप देय्, नःलि, (१०:५:८३) पेज ३, ने.सं. ११३५
३१. ल्वहंहिति गं, थौया हाइकु कविता, व्व निब्व, पेज २०, ने.सं. ११३६
३२. खुसि-सि दुन, थौकन्हे, (६५:६:२२३) पेज ५, ने.सं. ११३५
३३. न्ह्याथाय् नं गाः गाः, थौकन्हे, (६५:६:२२३) पेज ५, ने.सं. ११३५
३४. मि नल बस्ती
३५. पःखाः भिगु लँय्, थौया हाइकु कविता, व्व निब्व, पेज २०, ने.सं. ११३६
३६. इलं नम्ह जि
३७. वा, फय् वल, नःलि, (१०:५:८३) पेज ३, ने.सं. ११३५
३८. जिं भ्याः चाय्का
३९. निकास बन्द, थौकन्हे, (६५:६:२२३) पेज ५, ने.सं. ११३५
४०. वन विनाश
४१. 'जि' व्यूह दुने
४२. छ न्हाय्क बिल, थौया हाइकु कविता, व्व निब्व, पेज २०, ने.सं. ११३६
४३. थौं जि सञ्जालय्, थौया हाइकु कविता, व्व निब्व, पेज २०, ने.सं. ११३६
४४. धुल ग्रस्त लँ, थौकन्हे, (६५:६:२२३) पेज ५, ने.सं. ११३५
४५. अनन्त यात्रा, न्हू प्रेटिज नेपाः, (१२:९:१२३) पेज २४, ने.सं. ११३६
४६. भीडय् जि, यात्राय्
४७. श्रोतया ह्वास
४८. पलाः न्ह्यःने ल्हवं, न्हू प्रेटिज नेपाः, (१२:९:१२३) पेज २४, ने.सं. ११३६
४९. जः व्याप्त सर्गः
५०. भीसं माला ख्यः, न्हू प्रेटिज नेपाः, (१२:९:१२३) पेज २४, ने.सं. ११३६
५१. यन्त्रय् 'जि' यन्त्र
५२. फोहरया गुँ
५३. थौं शनिवार
५४. छं पन खुसि, न्हू प्रेटिज नेपाः, (१२:९:१२३) पेज २४, ने.सं. ११३६
५५. लः सुगु बुंगाः, न्हू प्रेटिज नेपाः, (१२:९:१२३) पेज २४, ने.सं. ११३६
५६. छं दय्कल लँ, न्हू प्रेटिज नेपाः, (१२:९:१२३) पेज २४, ने.सं. ११३६

५७. पासा मदु थौं  
 ५८. लः प्रदुषित  
 ५९. फ्वगिंया घाः-सः  
 ६०. चिकुला, सुथ  
 ६१. तज्यात न्हाय्कं  
 ६२. बाढी लँय्, फलय्  
 ६३. ख्युं धुकू : मिहगः  
 ६४. बुँइ भूक्षय, न्हू प्रेटिज नेपाः, (१२:९:१२३) पेज २४, ने.सं. ११३६  
 ६५. स्वां मत्वः स्वामाय्  
 ६६. धूप्वः लँ, बस्ती  
 ६७. हः सन फसं  
 ६८. दिल्लाय् वा मवः  
 ६९. चिकलाया न्हि, थौया हाइकु कविता, व्व निव्व, पेज २०, ने.सं. ११३६  
 ७०. थौं नं जि याकः  
 ७१. सः थ्वल लँय्, बँय्, नःलि, (१०:५:८३) पेज ३, ने.सं. ११३५  
 ७२. इलं विल घाः  
 ७३. हाइकु ला लः, न्हू प्रेटिज नेपाः, (१२:९:१२३) पेज २४, ने.सं. ११३६  
 ७४. मोडय् जि, पलाः, थौकन्हे, (६५:६:२२३) पेज ५, ने.सं. ११३५

### नाकाबन्दी हाइकु

- |                         |                                     |
|-------------------------|-------------------------------------|
| १. नाका, लँ वन्द,       | नःलि, (१०:१२:९०) पेज ३, ने.सं. ११३६ |
| २. संत्रस्त देय्, जि,   | नःलि, (१०:१२:९०) पेज ३, ने.सं. ११३६ |
| ३. नाकाबन्द ई,          | नःलि, (१०:१२:९०) पेज ३, ने.सं. ११३६ |
| ४. उर्जा संकट,          | नःलि, (१०:१२:९०) पेज ३, ने.सं. ११३६ |
| ५. चिकः निमित्त 'क्यू', | नःलि, (१०:१२:९०) पेज ३, ने.सं. ११३६ |
| ६. लः अपांग थौं,        | नःलि, (११:३:९३) पेज ३, ने.सं. ११३६  |
| ७. चिकं अभाव,           | नःलि, (११:३:९३) पेज ३, ने.सं. ११३६  |
| ८. ई फुत व्यर्थय्,      | नःलि, (११:३:९३) पेज ३, ने.सं. ११३६  |
| ९. ग्यास अभाव,          | नःलि, (१०:१२:९०) पेज ३, ने.सं. ११३६ |

१०. बेसा:-भा: थिके,	न:लि, (११:३:९३) पेज ३, ने.सं. ११३६
११. लँय् छं पिल कँ	
१२. लागा अशान्त,	न:लि, (११:३:९३) पेज ३, ने.सं. ११३६
१३. मि च्याकल छं,	न:लि, (११:३:९३) पेज ३, ने.सं. ११३६
१४. प:खा सँवात,	न:लि, (११:३:९३) पेज ३, ने.सं. ११३६
१५. जिं थ:त: माला,	न:लि, (११:३:९३) पेज ३, ने.सं. ११३६
१६. ख्वा: द्यने ख्वा:पा:,	न:लि, (१०:१२:९०) पेज ३, ने.सं. ११३६
१७. लितहल ई,	न:लि, (१०:१२:९०) पेज ३, ने.सं. ११३६
१८. देसय् देय् माल,	न:लि, (११:३:९३) पेज ३, ने.सं. ११३६
१९. प्यखें गुँया देय्,	न:लि, (१०:१२:९०) पेज ३, ने.सं. ११३६
२०. ल: सुनावन,	न:लि, (११:३:९३) पेज ३, ने.सं. ११३६
२१. स्वां गन दिल्लाय्,	न:लि, (१०:१२:९०) पेज ३, ने.सं. ११३६



# डा. आनन्द जोशीया हाइकु सम्वन्धि विभिन्न साहित्यकारतयगु धापू

‘खँग्वः सीमाहीन : सीमाहीन जि’ नांगु हाइकु मुनाया पिथना नेपालभाषा काव्य ख्यलय् छगू न्ह्यथनेबहगु घटना जूवःगु दु । ... वय्कःया कविता अप्वः याना क्वचाये न्ह्यः भाव व भावना परिपाक जुयाः क्रियाशील जुयाः चेतनायात माःकथं सक्रिय यायेगुली संलग्न जुयाच्चंगु खनेदु । ... थ्व वय्कःया कविताया विशेषता हे धायेमाः । ... धाये, प्रभावित यायेगु कुतः वा संकेत यायेगु थ्व संकेतात्मकता हे वय्कःया हाइकु कविताय् निहित सौन्दर्य खः । थुकी हे वय्कःया तातुना व रचना कौशल मेमेपिं हाइकुमितयगु तातुना व रचनाकौशल लिसेयागु भेद दुपिनाच्चंगु सिद्ध दु ।’

- माधवलाल कर्माचार्य (ने. सं. १९३२ ),

आनन्द जोशीया हाइकु मुना ‘खँग्वः सीमाहीन : सीमाहीन जि’,  
नेवाः हाइकु, दँ १, ल्याः ५, पेज २०-२२ ।

‘भीगु हाइकु कविताया यात्रा ने.सं. १९३०दँय् थ्यंबलय् गगु कथं हाइकु न्ह्यानाच्चंगु खः उकियात फपुइका छगू दिशाबोध यायेगु ज्या डा. आनन्द जोशीपाखें जुल । डा. आनन्द जोशीयागु ‘खँग्वः सीमाहीन : सीमाहीन जि’ हाइकु कविता संग्रहया माध्यमं छगू न्हूगु दिशा प्रादुर्भाव यायेगु कुतः जुल । समसामयिक जीवनया घात प्रतिघातय् खनेदुगु लु, यथार्थता, नगरबोध, विकास, प्रकृति परिवर्तन, दैवी प्रकोप आदि आदियात कय्च्यानाः हाइकुया विषयगत विस्तार जक मखु, हाइकुयात स्वयेगु मिखा नाप हिलेगु कुतः जुल । ...थौया हाइकु अर्थात् समसामयिक प्रवृत्तियात विकास याना थुकिया न्ह्यलुवाः रुपं थःत मुखरित यायेफुगु खनेदु ।’

- इन्द्र माली (१९३६),

ह्याउँतःस्वां, पेज ७,

कुतः पिकाक, ख्वप ।

‘अनेक कथंया मौलिकता न्ह्यब्वयेगु आनन्द जोशीया विशेषता खः । ... ‘खँवः सीमाहीन : सीमाहीन जि’ हाइकु सफुतिइ थीथी सवाःया हाइकु दु, मौलिक संरचना दु, सामाजिक सचेतनाया सः दु, स्वतन्त्र रुपं ब्वयेगु फय् दु, सामाजिक विकृति विसंगतियात हुरुहरुं च्याकेगु मि दु । उकें थ्व फय् खः, मि खः ।’

- डा. पुष्पराज राजकर्णिकार (ने. सं. १९३२),

फय् खः मि खः आनन्दया हाइकु जिगु मिखाय्,

नेवाः हाइकु, दँ १, ल्याः ४, पेज १३-१४ ।

‘न्हू चेतना, विचार, शैली व प्रवाह ज्वना स्थापित जूम्ह कवि आनन्द जोशी कविताया मुक्त आकाशं हाइक्या अतिकं हे परिमित संरचनाय् न्ह्यंक वःगु दु । ... कवि जोशीं प्राकृतिक व सामाजिक बिम्ब व प्रतीकपाखें थौंया ईयात, उकिया लिच्चःयात संवेदित याःगु दु । ...जीवनय् वंगु तःधंगु हिउपाःयात थुइकेत हाइकुइ विषयया व्याप्ति, संरचनाय् छुं हिउपाः व कविता तत्व नं दयेमाःगु खँय् चर्चा व बहस याये फइगु अवस्थाया लागिं कवि जोशीं थुकि थःगु बिचाः नं प्वंकातःगु दु । नेपालभाषाय् च्वयाः हयाच्वंगु न्हू विधाकथं हाइक्यात मौलिकता बित व थ्वया स्वरुपया निरुपणया लागिं नं च्वमिया अभिमत सकारात्मक तायेकेमाः ।’

- ध्रुव मधिकःमी (ने. सं. १९३९),

कवि आनन्द जोशीया हाइकु : जीवन व प्रकृतिया थीथी सन्दर्भ,

नःलि, दँ ६, ल्याः ६, पेज १३ – १५ ।

‘डा. आनन्द जोशी नेपालभाषा साहित्य ख्यलय् दकलय् उच्च सम्मान ‘श्रेष्ठ सिरपाः’ पाखें सम्मानित जुया च्वनादीम्ह व्यक्तित्व खः । साहित्यिक ख्यलय् वय्कलं कविताया माध्यमं नेपालभाषा साहित्य थपू यायेत आपालं योगदान याना दीगु दु । वय्कःया कविता लेखन शैली व प्रस्तुतिइ थःगु हे मौलिकता खनेदु थें आःया हाइकु लेखनय् नं थ्व हे स्तरीयताया प्रतिबिम्ब खने दयाच्वंगु दु ।’

- नरेशवीर शाक्य, सम्पादक,

नःलि, दँ ६, ल्याः १, ज्येष्ठ २०६७, पेज ३१ ।

‘वय्कलं (आनन्द जोशीं) शुरुशुरुइ गद्य कविताया धाः न्ह्याकादिल अथे हे हाइकु नं न्ह्याये थें मन्ह्या थें न्ह्यानाच्वंथाय् खुसि जुयाः नेपालभाषाया हाइकुया ख्यलय् लुयावल । वय्कलं हाइकु जक च्वयेगु मयासे नेपालभाषाया हाइकुयात गुकथं न्ह्यज्याका यंकेंगु धयागु अवधारण दयेका छगू ज्यापौ च्वयादिल । ... गुकिं नेपालभाषाया हाइकुयात न्ह्याकेत कार्यदिशा तय जूवंगु दु ।’

- **विमल ताम्राकार** (ने.सं. १९३३),

लुपाः, थौया कविता विधाः : जीवन्त पलाः, पेज ३ ।

‘ ... सिद्धहस्त प्रगतिवादी कवि व आँट भय् व्यूम्ह हाइजिन डा. आनन्द जोशीया हाइकु व्वनेधुंकाः सुं नं व्वमिपिसं वय्कःयात ‘अभियानया न्हाः’ मखु धकाः धाये हे फइमखु । ... नेपालभाषा हाइकु ख्यःया सीमायात थ्व ‘खँगः सीमाहीन : सीमाहीन जि’ सफुतिं अभ अण्वः चकंकाः ब्यूगु दु ।’

- **दया खड्गी ‘बेचैन’** (ने.सं. १९३२),

ताल्लुइ डा. आनन्द जोशीया “खँगः सीमाहीन : सीमाहीन जि” व्वनेधुंकाः, नेवाः हाइकु, दँ २, ल्याः १, पेज १८ ।

‘नेपालभाषा काव्य ख्यलय् प्रतिस्थापित नांजाःम्ह कवि डा. आनन्द जोशीजुं नं हाइकु च्वयाः सफू पिथना दीगु लसताया खँ खः । ... चेतनाया ल्हाःतं ह्युपाःया ध्वाँय् ज्वनाः न्हूगु लँपु दयेकेगु अभियानय् छगू स्वरूप, न्ह्यव्वयाः काव्यया ग्वःफसय् तनाच्वंगु शून्यतायात हाथ्या बिाः जल्ल थीगु सुथ हयाः सीमाहीन खँग्वलय् प्यखेरं न्यनाच्वंम्ह आनन्द जोशी, नेपालभाषा काव्य ख्यलय् न्यानाच्वंगु गं खः, गुकिया सलं जःयात नं चिरफर यानाः क्यनाच्वनी ।

- **ईश्वरीमैया श्रेष्ठ** (ने.सं. १९३१),

‘खँगः सीमाहीन : सीमाहीन जि’ दुनेयाम्ह

आनन्द जोशीयात खनावलय् ...,

नेवाः हाइकु, दँ १, ल्याः २, पेज १४-१५ ।

‘डा. आनन्द जोशी नेपालभाषाया हाइकु ख्यलय् पला: छिना दियेवं  
नेपालभाषाया हाइकु ख्य: तब्या: तफा जुयावंगु दु । थुकिं हाइकु ख्यलय् ल्हा:  
न्ह्याकाच्चापिं न्हून्हीपिं हाइजिनतय्त नं ह:पा: व तिब: जूवंगु दु ।’

- कृष्णभक्त बोडे (१९३५),

नेपालभाषा हाइकु जात:, पेज ६२,

कुत: पिकाक:, खप ।

## डा. आनन्द जोशीया हाइकु सम्वन्धि धापू

‘प्राकृतिक दृश्य, वातावरणीय स्थिति (ह्रास व संरक्षण), जीवनया प्रसंग, जीवनय् घटय् जुइगु घटना, मानवीय क्रियाकलाप आदि पाखें बुइगु अन्तर अनुभूतियात गथे कविं अनुभव या:गु ख:, अथे हे खँग्वलं अभिव्यक्त यायेगु हे हाइकु ख: । मेखतं धायेगु ख:सा अनुभूतिया चरमक्षणया कविता ख: - हाइकु ।’

‘हाइकुइ थम्हं खंगु, थम्हं भोगय् यानागु, थम्हं अनुभव यानागु खँ अभिव्यक्त जुइमा:, थ्व व्वनिबलय् व्वमिं नं व हे खँ, व हे दृश्य, व हे घटना वा अन्तर सम्वन्ध वा अन्तर प्रतिक्रिया न्ह्य:ने दंव: थें, थम्हं हे खना थें, थम्हं हे भोगय् याना थें आभाष जुइमा:, चेतना थना: बिइमा: । थ्व जुइत हाइकुइ दकसिवे दयेमा:गु ला कविता ख:, कविताहीन हाइकु छपा: भ्वं जक सावित जुइ ।’

‘जिं स्वये - कविं च्वइगु हाइकु मि ख:, थ्वं भौतिक रुपं ला पुइ मखु । तर व हे मिं भी दुने चेतना थना: न्ह्यपुइ तरंग हयाविइ । थ्व हे हाइकुया सफलता ख: ।’

‘थौंया हाइकु थौंया कipa ख: । थौंया मनुखं खंगु, अनुभव यानाच्वंगु अवस्था, जिन्दगीया संघर्ष, प्रगतिया कुत:, कन्हय्या प्रति आस्था, कन्हय्या सम्पन्न लँया खोजयात प्रतिनिधित्व यायेत दनाव:गु अभियान ख: - थौंया हाइकु । जीवन, लकस व विकासया दथुइया स्वापू सशक्त रुपं कायम याना: न्ह्या:वनेत बूगु, व्वलंगु पला: ख: - थौंया हाइकु” ।’

‘म्हग:या वातावरण, अवस्था व म्वायेगु लँपुया घेरां पिहां वया: परम्परागत हाइकुया विभिन्न विशेषतायात अस्वीकार याना: वा ई अनुरूप हिइका: “थौंया हाइकु” चकनेत सर्ग: मा:गु दु ।’

